



## GENDER AKCIONI PLAN BIH

Gender akcioni plan Bosne i Hercegovine je strateški dokument koji sadrži strateške ciljeve, programe i mjere za ostvarivanje ravnopravnosti spolova u svim područjima društvenog života i rada, u javnoj i privatnoj sferi. Na osnovu njega izrađuju se godišnji operativni planovi na entitetskoj, kantonalnoj i lokalnoj razini, utvrđuju obaveze institucionalnih mehanizama za ravnopravnost spolova, obaveze i odgovornosti nadležnih institucija, te jačaju instrumenti i saradnja neophodni za ostvarivanje ravnopravnosti spolova..

**2018. godine je usvojen Gender akcioni plan Bosne i Hercegovine za period 2018-2022, koji sadrži tri strateška cilja:**

- I. Izrada, provođenje i praćenje programa mjera za unapređenje ravnopravnosti spolova u institucijama vlasti, po prioritentnim oblastima**
- II. Izgradnja i jačanje sistema, mehanizama i instrumenata za postizanje ravnopravnosti spolova**
- III. Uspostavljanje i jačanje saradnje i partnerstva**



**Prioritene oblasti djelovanja GAP BiH su:**

1. Sprečavanje i suzbijanje nasilja po osnovu spola, uključujući nasilje u porodici kao i trgovinu ljudima
2. Javni život i donošenje odluka
3. Rad, zapošljavanje i pristup ekonomskim resursima
4. Obrazovanje, nauka, kultura i sport
5. Zdravlje, prevencija i zaštita
6. Socijalna zaštita
7. Rod i sigurnost

**Kako bi se osigurala potpuna provedba GAP BiH na cijelom teritoriju BiH, uspostavljeni su institucionalni mehanizmi koji su u skladu sa ustavnim i zakonskim okvirom na snazi u BiH:**

- Agencija za ravnopravnost spolova BiH koja djeluje na državnom nivou;
- Gender centar Federacije BiH koji djeluje na nivou FBIH
- Gender centar Republike Srpske koji djeluje na nivou Republike Srpske.

**A s ciljem izrade, usvajanja i praćenja GAPa i pratećih operativnih planova nivou BiH i entiteta uspostavljeni su i koordinacioni odbori koje čine predstavnici institucija Vijeća ministara i vlada entiteta, i to:**

- Koordinacioni odbor za koordinaciju i praćenje provedbe GAP BiH od strane institucija BiH koji je uspostavilo Vijeće ministara BiH;
- Koordinacioni odbor za koordinaciju i praćenje provedbe GAP BiH od strane institucija Republike Srpske koji je uspostavila Vlada Republike Srpske;
- Koordinacioni odbor za koordinaciju i praćenje provedbe GAP BiH od strane institucija Federacije Bosne i Hercegovine koji je uspostavila Vlada Federacije BiH.

